



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectæ

**Sandini, Antonio**

**Bambergæ, 1753**

XLVIII. S. Hilarus. Anno Christi 461. Leonis 5. Severi 1.

---

[urn:nbn:de:hbz:466:1-65446](https://nbn-resolving.org/urn:nbn:de:hbz:466:1-65446)

orationi, an ipsam integram orationem  
 canoni Leo addiderit, Pamelius noluit  
 definire Tom. 1. Liturgicorum pag. 572.  
 At ego censeo, nihil addidisse, nisi præ-  
 notata verba: ipsius enim orationis Au-  
 ctor quæstionum utriusque Testamenti men-  
 tionem fecit, qui Leone antiquior fuit.  
 Bona. lib. 2. Rer. Liturgic. cap. 13. §. 3.

## XLVIII.

## S. HILARUS.

ANNO CHRISTI 461.

LEONIS 5. SEVERI 1.

**H**ILARUS Crispini filius, Sardus, Bar. an.  
 Romanæ Ecclesiæ Diaconus, & 461. §.  
 Leonis Papæ ad Synodum Ephesinam 14. Pag.  
 II. legatus, in ejus locum anno 461. §. 14.  
 pridie Idus Novembris substitutus  
 est. (1) Memor, se tanti esse Ponti-  
 ficis successorem, sub quo adversus here-  
 ticos certans vicem ejus agens primos or-  
 dines duxerat, nihil antiquius habuit,  
 quam quæ tanto labore essent contra ha-  
 reticos constituta, eadem sarta tecta, fir-  
 mæque ac custodita relinquere. (2) Ita-  
 que Concilium Nicænum, Ephe-  
 sinum, & Chalcedonense, ac tomum  
 decessoris sui Leonis confirmavit. (3)  
 Nesto-

Bar. an.  
467. §.  
2. 3. 4.  
Pag. §. 3.

Nestorium, Eutychem, eorūque  
sectatores addixit anathemati. Con-  
cilio duodequingaginta Episcoporum  
Romæ celebrato, quinque edidit  
Canones ad constituendam Ecclesiæ  
disciplinam, atque horum postremo  
cavit, ne quis Episcopus sibi elige-  
ret successorem. (4) Idem invictus  
stetit contra Anthemii Imperatoris  
studium erga hæreticos Macedonia-  
nos, quos secum duxerat Romam.  
(5) Cū annos quinque, menses no-  
vem, & dies undetriginta Ecclesiæ præ-  
fuisse, anno 467. IV. Idus Septem-  
bris diem suum functus est

### ANNOTATIONES

(1) Appellatur etiam *Hilarinus*, & *Hi-  
larion*.

(2) Baronius ad. an. 461. §. 14.

(3) Vide annotat. 5. ad S. Leonem.

(4) Labbeus tom. 4. Conciliorum pag.  
1060.

Fuit olim in more positum, ut Episco-  
pi sibi successorem designarent. Eo jure re-  
ctè ac sapienter usi sunt complures Antisti-  
tes, cū, quos sanctissimos scirent, eos  
ad Episcopale munus deligerent, ut pro-  
dit Baronius ad an. 426. §. 18. Id eum se-  
cus fieri cœpisset, interdixit Nicæna I. Sy-  
nodus

nodus. S. Augustinus epist. 213. aliàs 110.  
*Adhuc in corpore posito beata memoria  
 Patre & Episcopo meo sene Valerio, Epi-  
 scopus ordinatus sum, & sedi cum illo,  
 quod Concilio Niceno prohibitum esse, ne-  
 sciebam, nec ipse sciebat.*

(5) Gelafius I. epist. 13. apud Labbeum  
 tom. 4. Conc. pag. 1208. *Papa Hilarus  
 Anthemium Imperatorem, cum Philo-  
 theus Macedonianus ejus familiaritate  
 suffultus diversarum conciliabula nova  
 sectarum in Urbem vellet inducere, apud  
 beatum Petrum Apostolum palam, ne id  
 fieret, clarâ voce constrinxit, in tantum,  
 ut non ea facienda cum interpositione sa-  
 cramenti idem promitteret Imperator:  
 sancta memoria nihilo minùs Papa Sim-  
 plicius, & post eum sancta memoria Pa-  
 pa Felix non solum Basiliscum tyrannum,  
 sed etiam Imperatorem Zenonem pro iis-  
 dem ipsis excessibus auctoritate liberâ sa-  
 pius increpasse noscuntur.*

## XLIX.

S. SIMPLICIUS.

ANNO CHRISTI 467.

LEONIS 12. ANTHEMII I.

SIMPLICIUS Castini filius Tibur-Bar. an.  
 tinus anno 467. XII. Kal. Octobr. 467. 9.

Sandini Vitæ Pontif.

O

Hi. 11. 12.